


Қазақының Қазыбек: Сөзлік атасы - Борлай, анының шебердесі.

ОДАР-ГРАДБЕЙЛС ҚАЗАҚСТАН

артақшылық

Несілбек Айтұлы. «ДӘУРЕН-АЙ» – АҚАҢНЫң ӨЗ ТАҒДЫРЫМЕН ӨЗЕКТЕС ӘН



Алаштың арда тұған абыз ұлы Ақселеу Сейдімбектің тұғанына – 70 жыл, есті ғұмырдың естелікке айналғанына – 3 жыл. «Еркіңе багынбас асау арманын» алты үрган сүм тағдыр Ақаңды «іздесең табылmas» сартап сағынышқа айналдырыды. «Атқан оқтай, шапқан аттай» жүйрік уақыт сол сағынышымызды ұлғайтып, Ақселеу сынды тұғырлы тұлғаны асқар шыңға да айналдырып барады. Тау алыстаған сайын биіктей береді еken. Ақаң арамыздан алыстаған соңғы үш жылда ол туралы жазылған естеліктер қобыз кеуделі абыз тұлғаның мәңгілік ғұмыры басталғанын дәлледеп-ақ жатыр. Ақаң

қазасына Алаш-Анасы аңырап, барша қазақ жұртты қамықты. Ұлтының жоғын іздең, барын түгендереген перзентінен көз жазған «боз жусаны омырау қаққан Сарыарқасы», жазылған Жаңаарқасы бүгін гана сабырға келіп, біртуар ұлының 70 жылдық мерейтойына сауын айттып жатыр. Ақаңның өзі көрмеген 70 жылдық мерейтойы қарсаңында соңына ерген рухани інісі, қазақтың талантты ақыны Несілбек Айтұлына телефон шалып, аз-кем сұхбат құрған едік. Байланыс желісі арқылы байытты күйінде түсе қалған сол сұхбаттың қаз-қалпындағы желісін назарларыңызға ұсынып отырмыз.

- Несілбек аға, Алаштың Ақселеуімен үзенгілес жүріп, рухани інісі болдыңыз. Бүгінгі естелікке арқау болар сол ұлы достықтарыңыз қай жылдары басталып еді?

- Ақаңмен таныстығым өткен ғасырдың 60-шы жылдарының аяғы мен 70-ші жылдарының басында басталды. Біздер – ол кезде қарашаңырақ ҚазМУ-дың журналистика факультетінің студентіміз. Ақаң Қарағандыда қызмет істейді еken. «Лениншіл жастың» сол облыстағы меншікті тілшісі болып. Ақаңның арқадан жазған ойлы дүниелерін іздең жүріп оқитынбыз. «Лениншіл жасқа» Ақаңның өнер, мәдениет, тарихқа қатысты көлемді туындылары апта сайын шығып тұрады. Болашакта «журналист болам» деген арманың жетегінде жүрген біздер облыстардағы меншікті тілшілер арасынан осы Ақаңның белсененділігіне қайран қалатынбыз. Жиі жазады. Көп тілшілер ақпаратпен шектеліп жатқанда, Ақаң тереңінен толғап жазады. Жүрсін Ерман, Тілеуқабыл Байтұрсын, Әбусаттар Тұрғанбеков, Самат Жұнісов секілді Қарағандының жігіттері қазақ журналистикасының қара нары Рамазан Сағымбековті төніректейді де, біздер, семейліктер – Тұрсын Жұртбай екеуіміз Рымғали Нұрғалиев ағамызды арқа тұтамыз. Ақаң осы кіслерге жиі

келеді. Рухани достықтарына сыртынан сүйсініп жүреміз. Бұл кісілердің қазақ руханиятының бір-бір алды болатыны сол кезде-ақ айқұлактанып тұратын.

Кейін Ақаң «Социалистік Қазақстанға» бөлім менгерушісі болып ауысып келді де, Алматыдағы рухани ортасың нағыз серкелерінің біріне айналды. Мені Ақселеу ағамен жақынырақ қазақ әнінің қайталанбас дүлдүлі марқұм Жәнібек Кәрменов таныстырып еді. Ақаң Жәнібекті әфирде де, өмірде де жанынан қалдырмайтын. Ақаң жүрген жерде домбырасын арқалап Жәнібек жүреді. Естерінізде болар, сол жылдары «Жәнібек ән салады, Ақселеу тамсанады» деген әңгіменің жиі айтылғаны.

1982 жылы Ақаң 40 жасқа толып, «Ақаң келді қырыққа» деген толғау жаздым. Сол күні Ақаңның үйінде болып, Оралхан Бөкей, Кәдірбек Сегізбаев, Бексұлтан Нұржекеев сынды белгілі қаламгерлер – өздері айтпақшы «жетімдер» бас қосып, шағын дастарқан басында 40 жасын атап өтті. Сол отырыста мен әлгі толғауымды оқып, мактауды ұната қоймайтын Ақселеу ағам сол бір шағын ғана пейілімді жылы қабылдап еді. Жалпы, Ақаң жан-жағына шапағатын тигізуге асырып тұратын абзal жан еді. Өзінің шығармашылығын ысырып қойып, соңындағы інілерінің шығармашылығын қадағалап тапсырма беріп, олардың кітабын шығаруға көмегін тигізіп жүретін. Таланты – телегей, өресі – биік, тұнығы – терең жан ғой, өзіне де, өзгеге де уақыт табатын. Маған әлем әдебиетінің классиктерін аударуды жиі тапсыратын. Ақаңның ықпалымен біраз аударма жасадым. Шындығын айту керек, кейбіріне шамам келмесе, кейбіріне уақыт таппадым.

- Байқауымша, Сізді Ақаңмен таныстырған Жәнібек Кәрменов, ал, рухани тұрғыдан жақындастырған ән секілді. Басқасын былай қойғанда, Ақаңның «Дәурен-ай», «Сарыарқа» атты екі танымал әнінің сөзін жазған өзіңіз. Бастама кімнен болды?

- Рас, Ақаң екеуіміздің аға-іні ретінде сыйластығымыздың дәнекері – адами болмысымыз да, шығармашылық байланысымыздың алтын көпірі – ән. Өзінің айтқан екі ән – «Дәурен-ай» мен «Сарыарқа» Ақаң екеуімізді ажырамас біртұтас әлемге айналдырып жіберді. Мен Ақаңның «Дәурен-айына» дейін де әнге сөз жазып жүргем. Алғашқы туындымың бірі – семейлік сазгер, марқұм Мейрамбек Жанболатовтың «Ән домбыра» әні. Тамаша ән. Мақтанғаным емес, сөзі де үйлесім таба кетті. Жақсы дүниеге құлағы түрік жүретін Ақаң осы әнді естігеннен кейін Жәнібек екеуімізді шақырып алып, «Дәурен-айдың» сазын тындалтты. Ақаң бұған дейін Ақтамбердинің «Құлдір, құлдір кісінетіп» толғауына мақам жазған болатын. Әрине, «мақамыменікі» деп айтқан емес. Көп иірімін Сүгірдің «Ыңғайтөкпе» күйінен алғанын айтып: «Ақтамбердині насихаттау үшін осылай жасау керек болды. Бұл толғауда қазақ халқының асқақ рухы бар, ол рухты қағаз бетінен екінің бірі оқи бермейді. Халықтың мұнын да, шерін де, рухын да ғасырдан-

ғасырға жеткізіп келе жатқан домбыра ғой. Ақтамбердінің «Күлдір, күлдір кісінеген» рухын халықтың көкейіне жеткізудің бір жолы оны рұхты макаммен орындау керек», – деп отырушы еді жарықтық.

Сонымен, Ақтамбердінің толғауынан кейін «Дәурен-ай» келді өмірге. Маған: «Осының сөзін өзің жазсан, қайтеді?» деген ұсыныс айтты. Мен келістім. Бірақ, «Дәурен-айға» сөз жазу өте қыын болды. Тыңдал жүрсіздер ғой, бұл әннің алғашқы екі жолынан кейінгі бөлігінің бәрі – қайырма. Құрылымы өте күрделі ән. Буынды ойнату керек. Алайда, ұйқасты сактау – шарт. Оның үстінен, әннің табиғатын танып, идеясын игеріп тұрған маған женіл сөзбен өріп шығуға әсте болмайды. Сөйтіп, қиналдым. Бір ай жүріп, алғашқы нұсқасын дайындадым. Оны Ақаң, Жәнібек үшеуіміз отырып ұзак талқыладық. Кейбір жерлеріне «мына жері былай болса қайтеді?» деген емеурінің жасады Ақаң. Ақаңның талғамын таң қалдыру мүмкін емес. Дегенмен, елең еткізген жері болды-ау деймін, ән мәтінін қабылдады. Тұңғыш рет Жәнібек орындағы. Радио, телевидение жазды. Бірақ, бұл ән Жәнібек орындаған алғашқы нұсқасында «Жастықта не көрсөн де жарқын екен, әр күнің ат басындағы алтын екен» деп басталады. Кейін Ақаңның ұсынысымен «Самғаған аспанында сары даланың, Сағындым бозторғайдың салған әнін» деп өзгертуік. Қазір осылай орындалып жүр. Жалпы, «Дәурен-ай» – Ақаңның өз тағдырымен өзектес ән. Қараңыз, «Еркіңе бағынбас, Асай арман-ай!» деп бұлқынған ән «Аспандап алатын, Асқақ қанатым, Саған да кез келер – Тыным табатын» деп шырылдайды. Тура өз өмірін талдауға келмейтін тағдыр жолын әнмен өрнектеген.

- Ақаңның «Сарыарқасының» да сөзін Сіз жаздыңыз. Осы әннің авторлары мен орындаушысы кезінде «ұлтшылдық» сарынымен қудаланды деген әңгіме шындыққа жанаса ма?

- Иә, бұл әннің сөзіндегі «шер-күйігім» деген тіркес бізге пәле болып жабысты. Ән мәтініндегі «Кер миығым, Жезкійім, Шеркүйігім – Сарыарқа» дейтін қайырманың емеурінің өлең талдамақ түгілі, сөздің мәнін білмейтін «ұш әріп» түсініп қойып (әрине, әлдекімдердің ықпалымен), соңымызға түсіп берді. Алғашында осыны Жәнібек марқұм айтып еді. «Осы жерін өзгертсек, қайтеді? Осыны бізге айтқызбайды-ау» – деген сезікті пікір «Сарыарқаның» алғашқы орындаушысы Жәнібектен шыққан. Содан біз бұл іірімді ән салмағын женілдетіп жіберсе де, «Сөз түйінім» деп өзгертуік те, ресми сахналарда осылай орындалып жүрді. Алайда, жиын-тойларда, бейресми басқосуларда «Шер-күйігім» болып айтылатын. Сол пәле болды бізге. Сөйтсек, біздің осы «ұлтшылдығымыз» ортамызыдағы кейбіреулердің аузымен «ұш әріпке» жетіп жатады екен. Оны біз қайдан білейік. Өсіресе, Желтоқсан оқиғасы тұсында «халықтың «шер-күйігін» әнге қосып, жастарды арандатқан сендерсіндер» деген желеумен біраз әуреледі.

- Ақаңның «Дәурен-ай» мен «Сарыарқадан» басқа әні бар ма? Болса, олар неге осы екеуіндей танымал бола алмады?
- Бар. Ақаң кейін Астанаға көшіп келгеннен соң, енселі Елордада Есілдей толқып, біраз ән жазды. Бірқатарының сөзін мен жаздым. Бірақ, олар жарыққа шыға алмады. Неге әншілерге бермей жүргенін сұрағанымда: «Е, е... «Дәурен-айым» мен «Сарыарқамдай» құлпыртатын Жәнібекім жоқ, ол әндердің жолы бола қоя ма?! Рухты ән үлкен сахнаға жолдама алу үшін оның тұсауын Жәнібек кесу керек. Сонда ғана ол әннің ғұмыры баянды болады», – деп мұнажатын.
- Сонда ол кісі Жәнібек Кәрменовтен басқа әншіні мойындамады ма?
- Жоқ, олай емес. Мойындады. Ақаң Қайрат Байбосыновты керемет бағалайтын. Бекболат Тілеуханды да. Екеуінің де әншілік талантын тамсана әңгімелегенін талай мәрте өз құлағыммен естідім. Әсіресе, Қайрат пен Жәнібекті бөлежармайтын. Бірақ, Ақаң үшін Жәнібек марқұмның жөні бөлек болды. Мүмкін, әр әншінің орындау стилі әрқиыл болатындықтан шығар. Ақаңның табиғатына да, талғамына да Жәнібектің орындау мәнері қолай келсе керек. Сондай-ақ, жаңа өзіне орындаушы таңдаудағы талғамын қазақы ырымшылдығы шығар деп ойлаймын. Дүниеге келген нәрестеге ат қоюда да, тәй-тәй басқан сәбидің тұсауын кестіргенде де ырымдап, жолы жақсы адамға бұйымтай жасайтын халықпаз ғой. Ақаңның да жаңа әнді жарыққа шығаруда, оның тұсауын кесуде таңдауы Жәнібекке табыстаушы еді. Енді, міне, Ақаң да, Жәнібек те жоқ ортамызда. Талғамы зор тыңдаушыға жетпеген өрелі әндер жатыр Ақаңның мұрағатында.
- Ән сарыны құлағынызда шығар. Сөзі – қолыңызда. Неге өзінің жарыққа шығармасқа?
- Әнге сөз жазғаным болмаса, музыкаға шорқақтаумын. Менің орындаушы таңдаудағы талғамым Ақаң талғамының ширегіне келмеуі де мүмкін. Сондықтан, батылым бармай жүр. Ал, орындеймын деген әнші болса, құлақтағы сарыны ғана емес, Ақаң әндерінің нотасы алты томдық таңдамалы жинағына енген.
- Сіз сөзін жазған Тұрсынжан Шапайдың «Дариға-дәурен», «Арман-ай» әндерін жетесіне жеткізе орындалап жүрген Рамазан Стамғазиевке ұсыныс жасап көрдіңіз бе?
- Рамазанның әншілік шеберлігін Ақаңның өзі де мойындап кеткен. Алайда, Ақаңның әндері Рамазанның «оң жамбасына» келмеді. Рас, Рамазан – талантты әнші. Дегенмен, жақсы әннің табиғаты орындаушымен үйлесім тапқанда ғана ән ғұмырлы болады деген қафіда бар емес пе?!

-Рахмет.

Ерсін Мұсабеков